



# ახალი განათლება

№20 (574) გაგონის 1998 წლიდან

www.axaliganatleba.ge

### საუბრაპი პიპლიაზა

ოქროს ხმო

გვერდი 4

### ვეთოლიკა

ფიზიკის პედაგოგთა  
დასახელებლად

გვერდი 5

### იურიტის კონსულტაცია

პედაგოგთა  
შეკითხვებს პასუხობს

სემთა-ს იურიტი

თაქარ აპალიანი

გვერდი 8

### სკოლატი

უნივერსიალა - 2012

გელეოსანთა სტარტები

გვერდი 10



## მე ღამაში აღაშინებთ ხატვა მიყვანს!

ეს სიტყვები მე-20 საუკუნის ქართველ მხატვარს ლადო გუდიაშვილს ეკუთვნის. მხატვარი მამათიანე - ასე იხსენებენ საქართველოში მას. მამათიანე გამოსატყუარი ინდივიდუალურობა, მხატვრულ სახეთა მდიდარი სამყარო მისი შემოქმედების წარმატების მიზეზია. ლადო გუდიაშვილმა ფუნჯით გააცოცხლა ქართული ფრესკა და ჩუქურთმა, ქართული თქმულებები და ზღაპრები, ძველი თბილისის გოგამური ცხოვრება და ხალხური სანახაობები, ნიკო ფირცხალაშვილის შემოქმედება და ადამიანთა გედი, 20-30-იანი წლების რეალური სინამდვილე... ეს ის ძირითადი თემებია, რომლებსაც მხატვრის შემოქმედებაში მნიშვნელოვანი ადგილი უჭირავს. მისი მრავალფეროვანი და მომხიზვლელი ნაშრომები ღამაში, სათნო, კეთილშობილებითა და ამაღლებული გრძნობებით სავსე პერსონაჟებით გამოირჩევა. მხატვარმა დროს გაუსწრო, მის ტილოებზე მოციმციმე მზის სხივები, წლის ნებისმიერ დროს ატეობს ადამიანს, მასზე გვერს წერენ და საუბრობენ... დღეს კი, მის შესახებ გვიანობს მისი შვილი ჩუქურთმა გუდიაშვილი.

გვერდი 6-7

### გამოვიდა



ნიკოლაი გოგოლი  
რჩეული  
მოთხრობები

ვილჰელმ ჰაუსი  
ლიხტენშტაინი

თეოდორ დრაიზერი  
დაიკო კერი

სერიიდან  
მსოფლიო  
ლიტერატურის  
კლასიკოსები



ბთავაზოვთ ტესტების კრებულებს ქართულ ლიტერატურაში,  
რომელიც ითვალისწინებს 2012 წლის საათესტატო გამოცდის მოთხოვნებს



წიგნი I - ძველი ქართული მწერლობა;  
წიგნი II - „ვეფხისტყაოსანი“;  
წიგნი III - XIX საუკუნის მწერლობა.

ავტორები:  
თამარ ბელიტაშვილი,  
ამირან გომარეთელი

თითოეული კრებულის ფასი - 10 ლარი

- ◆ კრებულებში ნახვით თითქმის ყველა საკვანძო კითხვა-პასუხს საგამოცდოდ გათვალისწინებული ნაწარმოებებიდან;
- ◆ მათი მეშვეობით გაზიარდებიან სასწავლებლო ტექსტების ზედმიწევნით ათვისება-შესწავლა;
- ◆ სწორი პასუხების შემთხვევაში შედეგად თქვენ გაქვებთ ნაწარმოებთა იდეურ-მხატვრული ანალიზი;
- ◆ თქვენ შექვებთ დაქვლით ყველა საგამოცდო სირთულა.

კრებულების შეკენის მსურველები დაგვიკავშირდით „ახალი განათლების“ რედაქციაში: 295-80-23, 790 95-80-23, 577 13-22-83

ინფორმაცია

\*\*\*



მეთორმეტეკლასელთა საატესტატო გამოცდების მიმდინარეობას, საქართველოს მასშტაბით, online რეჟიმში სახლიდან გაუსვლელად შეგიძლიათ უყუროთ განათლების მართვის საინფორმაციო სისტემის ოფიციალურ facebook-ის გვერდზე - www.facebook.com/emis.ge. პროცესის გამჭვირვალობისათვის სკოლებში გამოცდების მიმდინარეობას სპეციალურად დამონტაჟებული ვიდეოკამერები იღებს. Facebook-ის გვერდზე, მონაცვლეობით, საკლასო ოთახებში დამონტაჟებული ვიდეოკამერების გამოსახულებას online რეჟიმში შემოგთავაზებთ. საატესტატო გამოცდები ე.წ. CAT-ის ტიპის საგამოცდო მოდელით ტარდება. CAT-ის სისტემა გულისხმობს მოსწავლის შესაძლებლობაზე ორიენტირებულ ადაპტირებულ ტესტს. ასეთი ტესტირება მსოფლიოში კარგადაა აპრობირებული. თუმცა, საქართველო პირველია, სადაც ასეთი მასშტაბური გამოცდა ცენტრალიზებულად, მთელი საქართველოს მასშტაბით, ერთიანი მართვისა და კონტროლის პირობებში, უკვე მეორე წელია ტარდება.

\*\*\*

2011-2012 სასწავლო წლის გამოსაშვები გამოცდები, 21 მაისს დილის 9 საათზე, საქართველოს ყველა სკოლაში, ქართული ენისა და ლიტერატურის გამოცდით დაიწყო. სკოლები ტექნიკურად გამართულია და მზად არის გამოცდების მაღალ დონეზე ჩასატარებლად.

21 მაისს საქართველოს განათლებისა და მეცნიერების მინისტრი დიმიტრი შაშკინი გამოცდების მიმდინარეობას თბილისის 49-ე საჯარო სკოლაში აკვირდებოდა. რეგიონებში იმყოფებთან მინისტრის მოადგილეები და სამინისტროს სხვა ხელმძღვანელი პირები. ნებისმიერი ხარვეზის დროულად აღმოფხვრის მიზნით, მობილიზებულია ყველა შესაბამისი სამსახური.

გამოცდების განრიგი ასეთია: 22 მაისი - უცხო ენა; 23 მაისი - ისტორია; 24 მაისი - გეოგრაფია; 25 მაისი - ფიზიკა; 28 მაისი - ქიმია; 29 მაისი - ბიოლოგია; 30 მაისი - მათემატიკა.



\*\*\*

19-20 მაისს, ბათუმში საერთაშორისო ეროვნულმა ასოციაციამ (NASRO) და საქართველოს განათლებისა და მეცნიერების სამინისტრომ საერთაშორისო კონფერენცია „უსაფრთხო სკოლა“ გამართეს, რომლის მიზანი იყო სასკოლო უსაფრთხოების სფეროში საქართველოს გამოცდილების სხვა ქვეყნებისთვის გაცნობა.

ორი წლის განმავლობაში, საქართველოს მანდატურის სამსახურის მიერ, „უსაფრთხო სკოლის“ კონცეფციის ფარგლებში განხორციელებულ პროექტებს არაერთი ქვეყანა იზიარებს. გასულ წელს საქართველო მანდატურის საერთაშორისო ეროვნული ასოციაციის (NASRO) წევრი გახდა.

ბათუმის კონფერენციაში მონაწილეობდნენ: საქართველოს განათლებისა და მეცნიერების მინისტრი დიმიტრი შაშკინი, საერთაშორისო ეროვნული ასოციაციის (NASRO) აღმასრულებელი დირექტორი ჯეიმს კენედი, ლიტვის განათლების მინისტრი გინტარას სტეპანავიჩუსი, სომხეთის, ყირგიზეთისა და მოლდოვას განათლების მინისტრების მოადგილეები, საქართველოს შინაგან საქმეთა მინისტრის პირველი მოადგილე ეკატერინე ზღულაძე, მთავარი პროკურორის პირვე-

ლი მოადგილე დავით საყვარელიძე.

კონფერენცია საზეიმო ვითარებაში, საქართველოსა და აშშ-ს სახელმწიფო ჰიმნებით, გაიხსნა. დიმიტრი შაშკინმა კონფერენციაზე განათლების სისტემის ფართომასშტაბიანი რეფორმების მნიშვნელობასა და „უსაფრთხო სკოლის“ კონცეფციის ფარგლებში განხორციელებულ პროექტებზე ისაუბრა. მან შეაჯამა ქართული მანდატურის სამსახურის მუშაობა 2 წლის განმავლობაში და აღნიშნა, რომ გატარებული ღონისძიებების შედეგად, ძალადობა სკოლებში 94%-ით, ხოლო განძალიზში 98%-ით შემცირდა.

კონფერენციაზე პოლიციის აკადემიის რექტორმა ხატია დეკანოიძემ და დავით საყვარელიძემ პრეზენტაციები წარმოადგინეს. მათ საქართველოს განათლებისა და მეცნიერების, შსსა და იუსტიციის სამინისტროების ერთობლივ პროექტებსა და სკოლებში არასრულწლოვანთა დანაშაულის პრე-



ვენციის ერთობლივ პროგრამებზე ისაუბრეს. ქართული მანდატურის სამსახურის საქმიანობის ამსახველი პრეზენტაცია წარმოადგინა სამსახურის უფროსმა ზვიად ხიდელუმა.

\*\*\*

7 მაისიდან თანამედროვე სტანდარტების ფოთის პროფესიულ კოლეჯში „ფაზისი“ ვაუჩერული დაფინანსების ახალი პროექტის ფარგლებში ჩარიცხული სტუდენტები შეუდგნენ სწავლას. მათ შორის 48 დევნილის სტატუსით სარგებლობს, მათგან 20 სოციალურად დაუცველია, შესაბამისად, ისინი ვაუჩერებით დაფინანსდნენ.

დევნილთა და განსახლების მინისტრი კობა სუბელიანი და საქართველოს განათლებისა და მეცნიერების მინისტრის მოადგილე გიორგი ჩახნაშვილი ფოთის პროფესიულ კოლეჯში ჩარიცხულ სოციალურად დაუცველ და დევნილ სტუდენტებს შეხვდნენ და მათთან ერთად სასწავლო სახელოსნოები დაათვალიერეს.

კოლეჯი „ფაზისი“ მომსახურების, მშენებლობისა და ტურისტების სფეროსთვის ამზადებს შემდეგ სპეციალისტებს: ძრავის შემკეთებელი; სავალი ნაწილის ტექნიკოსი; მებათქაშე; შემდგომელი; სასტუმრო საქმის სპეციალისტი; სარესტორნო საქმის მწარმოებელი; დურგალი; ელექტრიკოსი; სამკერვალო ნაწარმის სპეციალისტი; ზეინკალ-სანტექნიკოსი; მეფილე-მომპირკეთებელი; რკინა-ბეტონის სამუშაოთა მწარმოებელი; ვიდი; ტუროპერატორი; კონდიტერი და სხვ.

პრეზიდენტის ინიციატივით, წელს პირველად, პროფესიული განათლება ვაუჩერულ დაფინანსებაზე გადავიდა. სახელმწიფო, ყველა მსურველს, ვინც პროფესიულ კოლეჯში სწავლას გადაწყვეტს, ათასლარიანი ვაუჩერით აფინანსებს. წლის განმავლობაში ვაუჩერული დაფინანსებით 7 000 ადამიანი ისწავლის. ახალი პროექტის ფარგლებში, პირველ რიგში, სოციალურად დაუცველი სტუდენტები ფინანსდებიან.



\*\*\*

საქართველოს განათლებისა და მეცნიერების მინისტრი დიმიტრი შაშკინი პროფესიულ კოლეჯში „ახალი ტალღა“ ვაუჩერული დაფინანსების ახალი პროგრამის ფარგლებში ჩარიცხულ სოციალურად დაუცველ სტუდენტებს შეხვდა. ამ კოლეჯში 1000-ლარიანი ვაუჩერით დაფინანსებული 111 სოციალურად დაუცველი სტუდენტი შეუდგა სწავლას. მათი უმრავლესობა მაღალმთიანი აჭარიდან, გურიიდან, იმერეთიდან, სამეგრელოდან და სვანეთიდანაა. მათ კოლეჯის თანამედროვე სტანდარტების ახალი საერთო საცხოვრებელი მოემსახურება. ქობულეთის პროფესიულ კოლეჯში ვაუჩერული დაფინან-



სებით სულ 250 სტუდენტი ჩაირიცხა. კოლეჯში სპეციალობები აჭარის რეგიონის ეკონომიკური განვითარების პრიორიტეტული გეგმიდან გამომდინარე შეირჩა შემდეგ საგანმანათლებლო პროგრამებზე: სასტუმრო საქმის მწარმოებელი, მზარეული, კონდიტერი, ტუროპერატორი (აგრო, ეკო და ა.შ.), ბარმენი, მძიმე სამშენებლო ტექნიკის ოპერატორი, ამნის მემანქანე, თაბაშირ-მუყაოს სპეციალისტი, ელექტრიკოსი, სამაცივრო მოწყობილობების ტექნიკოსი, სარესტორნო საქმის მწარმოებელი. სამინისტროს დაფინანსებით, კოლეჯი საგანმანათლებლო პროგრამების შესაბამისი თანამედროვე მატერიალურ-ტექნიკური ბაზითა და საჭირო ინვენტარითაა აღჭურვილი. პრაქტიკული სწავლებისათვის მოწყობილია და ფუნქციონირებს სხვადასხვა ლაბორატორია და სახელოსნო.

ცენტრში განახლებული პროგრამებით გადამზადებულ სტუდენტთა 75% უკვე დასაქმებულია სასტუმროებში: „შერატონ ბათუმი“, „რედისონი“, „ჯორჯიან პალასი“, „პიაცა“, „ბონი“, „ოაზისი“, „ელბაკური“, „სავანე“ და სხვ.

\*\*\*

საქართველოს განათლებისა და მეცნიერების სამინისტროს განათლების ხარისხის განვითარების ეროვნული ცენტრის ორგანიზებით, არაქართულენოვანი საჯარო სკოლების პირველ კლასში ჩატარდა ეროვნული შეფასება ქართულ ენაში.

ეროვნული შეფასება ფართომასშტაბიანი კვლევაა, რომლის მიზანია ქვეყანაში ზოგადი განათლების ხარისხის შეფასება. ჩატარებული ეროვნული შეფასება კი მიზნად ისახავს, დაადგინოს, რამდენად წარმატებულია არაქართულენოვან საჯარო სკოლებში 2011-2012 სასწავლო წელს განხორციელებული რეფორმები.

პრეზიდენტის მიერ ინიცირებული პროექტი - „ქართული ენა მომავალი წარმატებისთვის“ - ეთნიკური უმცირესობებით დასახლებულ რეგიონებში წარმატებით მიმდინარეობს. მის ფარგლებში, არაქართულენოვან მოსწავლეებს სახელმწიფო ენის შესწავლაში მოხალისე ქართულენოვანი პედაგოგები ეხმარებიან. ქართული ენის გაძლიერებულად შესწავლად კი, სპეციალურად მათთვის, ქართული ენის სახელმძღვანელო შეიქმნა.



სკოლები მთელი საქართველოს მასშტაბით შეირჩა, შემთხვევითობის პრინციპით. ეროვნულ შეფასებაში მონაწილეობვა 73 არაქართულენოვანი საჯარო სკოლის 1000 პირველკლასელი, მათი მშობლები, ქართული ენის 100 მასწავლებელი, 100 ქართულენოვანი მოხალისე და სკოლების დირექტორები (73).

ეროვნული შეფასების მოსწავლეებმა ტესტური დავალებები შეასრულეს და კითხვარები შეავსეს. ეროვნული შეფასების უფროსმა მონაწილეებმა (მშობლებმა, ქართული ენის მასწავლებლებმა, ქართულენოვანმა მოხალისეებმა და დირექტორებმა) სპეციალური კითხვარები შეავსეს, ქართული ენის სწავლებისა და გატარებული რეფორმების მიმართ თავიანთი დამოკიდებულება გამოხატეს.

ეროვნული შეფასების შედეგად გამოვლინდება, რამდენად ეფექტურია არაქართულენოვან სკოლებში დანერგილი სიახლეები, როგორია მოსწავლეთა აკადემიური მიღწევების დონე ქართული ენის შესწავლის მხრივ, როგორია შეფასებაში მონაწილე ჯგუფების დამოკიდებულება გატარებული რეფორმების მიმართ. ივნისის დასაწყისიდან მომზადდება ანგარიში, დასკვნები და რეკომენდაციები.

# ჩვენ საქართველოს შვილები ვართ!



საქართველოში საჯარო სკოლის ნებისმიერი მოსწავლისათვის, მიუხედავად იმისა დედაქალაქში სწავლობს თუ მალაქმთიანი რეგიონის სოფელში, ხარისხიანი განათლების მიღების თანაბარი შესაძლებლობების უზრუნველყოფა განათლების რეფორმის ერთ-ერთი უმნიშვნელოვანესი ამოცანაა. საქართველოს რეგიონების არაქართულენოვან სკოლებში პროფესიონალი კადრების მოზიდვისა და სწავლების ხარისხის გაუმჯობესების მიზნით, შეიქმნა პროგრამა „ქართული ენა მომავალი წარმატებისთვის“, რომელშიც ქობულეთის მუნიციპალიტეტიდან დაბა ჩაქვის №1 საჯარო სკოლის ქართული ენისა და ლიტერატურის სერტიფიცირებულმა მასწავლებელმა **ინგა ბაგრატიონმა** მიიღო მონაწილეობა და განაწილდა ახალქალაქის მუნიციპალიტეტის სოფელ ალასტანის სომხურენოვან საჯარო სკოლაში ქართული ენისა და ლიტერატურის მასწავლებლად.

**ინგა ბაგრატიონი:** „პროექტის სახელმძღვანელო თავედანვე მომხიბლა. როდესაც ვპასუხობდი კითხვას, რატომ მიინდომეთ ამ პროექტში მონაწილეობა, აღვნიშნე, რომ ეს ერთგვარი გამოწვევა იყო, თუმ-

ცა, ჩემი გადაწყვეტილება საქართველოსთან იყო დაკავშირებული. ახლაც ღრმად ვარ დარწმუნებული, რომ საქმე, რომელსაც პროექტის მონაწილეები ვაკეთებთ, ქვეყნის მომავალს ნაადგევია!“

პირველად ჩაქვის №1 საჯარო სკოლაში ნოემბრის თვეში უმასპინძლა სოფელ ალასტანის საჯარო სკოლის მოსწავლეებსა და მასწავლებლებს. გიორგობის დღესასწაულს კი ალასტანის საჯარო სკოლაში ჩაქველი მოსწავლეები და მასწავლებლები მიიწვია მშობლიურ სოფელში.

დამეგობრებული სკოლის მოსწავლეებმა ერთობლივი ღონისძიება გამართეს „ჩვენ – საქართველოს შვილები ვართ“, რომელიც საუკუნეთა სიღრმიდან მომდინარე ქართველთა და სომეხთა ძმობისა და მეგობრობის კიდევ ერთი დასტური იყო.

ხალხით სავსე დარბაზში საოცარი მოლოდინი იგრძნობოდა. სცენაზე ერთმანეთს ქართველი და სომეხი გოგო-ბიჭები ენაცვლებოდნენ, რომლებიც საუბრობდნენ ორი ენის მრავალსაუკუნოვანი მეგობრობის შესახებ, რომელიც დასაბამს იღებს ლეგენდარულ შაოსიდან და ქართლოსიდან. დარბაზი



სომეხი ხალხის მეგობრობის ისტორიისა და რომ ჩვენი მოსწავლეები უნდა იყვნენ ღირსეული გამგერძელები იმ დიდი ტრადიციისა, რომელსაც ეს ორი ერი საუკუნეების მანძილზე რუდუნებით იცავდა. ვერ დამალეს ემოციები მასპინძლებმა – **ჰამლეტ მოვსესიანმა**, **სამველ პეტროსიანმა** და **რუბენ კრტიჩიანმა**, მადლობა გადაუხადეს დამსწრე საზოგადოებას, წარმატებები უსურვეს მოსწავლეებს და მომავალში მსგავსი ღონის-

ძიებების გაგრძელების იმედი დაემშვიდობნენ. მეორე დღეს, მასპინძლებმა ჩაქველი მოსწავლეები ვარძიაში მიწვიეს და მთელი დღე ამ ისტორიულ ადგილას ერთად გაატარეს და მრავალი საინტერესო გეგმებითა და იდეებით შეჯერებულნი დაემშვიდობნენ ერთმანეთს.

**გიული დავითიძე**  
ჩაქვის №1 საჯარო სკოლის ხელოვანების ისტორიის



## ინფორმაცია

\*\*\*

საქართველოს განათლებისა და მეცნიერების მინისტრმა დიმიტრი შამუკინმა და საქართველოს ეროვნული ბანკის პრეზიდენტმა გიორგი ქადაგიძემ სასკოლო საგნობრივ ოლიმპიადებში გამარჯვებული 95 მოსწავლე ფულადი პრემიებითა და სიგელებით დასაჩუქრეს. ოლიმპიადებში ოთხმა მოსწავლემ ერთდროულად ორ საგანში გაიმარჯვა. ფულადი პრემიების თანხა, მინისტრმა მათ პერსონალური კომპიუტერები გადასცა:



**გიორგი ცხაკაია** – პირველ ადგილზე გავიდა გეოგრაფიასა და ისტორიაში (ქუთაისის რაზმადის სახ. №41 საჯარო სკოლა);  
**ნიკა საბაშვილი** – პირველ ადგილზე გავიდა გეოგრაფიაში, მეორეზე – ბიოლოგიაში (სოფელ შემოქმედის საჯარო სკოლა);  
**გიორგი სხირტლაძე** – პირველ ადგილზე გავიდა მათემატიკაში, მეორეზე – ინფორმატიკაში (კომაროვის ფიზიკა-მათემატიკური სკოლა);  
**გურამ ლობჯინიძე** – მეორე ადგილზე გავიდა ბიოლოგიაში, მესამეზე – გეოგრაფიაში („მომავლის სკოლა“).  
ფულადი პრემიები გადაეცა წარმატებული მოსწავლეების სკოლებსაც.

2011-2012 წლის ეროვნულ სასწავლო ოლიმპიადებში პირველ ადგილზე გასულ 32 მოსწავლეს, თითოეულს, 1000 ლარი გადაეცა; მეორე ადგილზე გასულ 32 მოსწავლეს, თითოეულს – 700 ლარი; მესამე ადგილზე გასულ 31 მოსწავლეს, თითოეულს – 500 ლარი. სკოლების რეიტინგის მიხედვით, პირველ ადგილზე გასულ 9 სკოლას, თითოეულს, 5000 ლარი გადაეცა; მეორე ადგილზე გასულ 9 სკოლას, თითოეულს – 4000 ლარი; მესამე ადგილზე გასულ 9 სკოლას, თითოეულს – 3000 ლარი.

2012 წლის ეროვნულ სასწავლო ოლიმპიადებში უპრეცედენტო რაოდენობა – 265 000 მოსწავლე მონაწილეობდა. მათგან მეორე ტურში 52 610 მოსწავლე გადავიდა, ხოლო მესამეში – 2293. ოლიმპიადის შესარჩევი პირველი ტური უშუალოდ სკოლებში ჩატარდა. ეროვნული სასწავლო ოლიმპიადის მეორე და მესამე ტური სამინისტროს გამოცდების ეროვნულმა ცენტრმა ჩაატარა, მეორე ტური 65 ქალაქისა და რაიონული ცენტრის 91 სკოლაში მიმდინარეობდა.

ეროვნული სასწავლო ოლიმპიადის ყოველწლიურად, შემდეგ საგნებში ტარდება: ქართული ენა და ლიტერატურა, მათემატიკა, უცხოური ენები, ისტორია, გეოგრაფია, ფიზიკა, ქიმია, ბიოლოგია, ინფორმატიკა. ოლიმპიადის 3 ტურად ტარდება როგორც ქართულ, ასევე სომხურ, აზერბაიჯანულ და რუსულ ენებზე. დასკვნით ტურში გამარჯვებული 10 მოსწავლე ეროვნული ნაკრების წევრი ხდება და მოსწავლეთა საერთაშორისო ოლიმპიადებში მონაწილეობს.

ყოველწლიურად იზრდება ოლიმპიადებში მონაწილე მოსწავლეთა რიცხვი და მათი მომზადების დონე, რაც ზრდის კონკურენტუნარიანობას. გამარჯვებული მოსწავლეებით დაკომპლექტებული საქართველოს ნაკრები, ტრადიციულად, საერთაშორისო ოლიმპიადებში მონაწილეობს.

ყოველწლიურად იზრდება ოლიმპიადებში მონაწილე მოსწავლეთა რიცხვი და მათი მომზადების დონე, რაც ზრდის კონკურენტუნარიანობას. გამარჯვებული მოსწავლეებით დაკომპლექტებული საქართველოს ნაკრები, ტრადიციულად, საერთაშორისო ოლიმპიადებში მონაწილეობს.

\*\*\*

სერტიფიცირებულმა პედაგოგებმა ინგლისურისა და კომპიუტერის ინტეგრირებული გამოცდა ჩაატარეს. გამოცდა წელს მეორედ ჩატარდა და მასში 1600-ზე მეტი სერტიფიცირებული პედაგოგი მონაწილეობდა. პედაგოგთა 54%-მა გამოცდა წარმატებით ჩაატარა. გასულ წელს მხოლოდ 23%-მა შეძლო ბარიერის გადალახვა. ახალი სასწავლო წლიდან ეს პედაგოგები, ხელფასზე დანამატის სახით, 200 ლარს მიიღებენ, ხოლო მათ, ვინც საუკეთესო 25%-ში მოხვდა, ხელფასი 1000 ლარი გაუზრდება.

2011 წელთან შედარებით წელს გამოცდებში მასწავლებელთა გაზრდილი რაოდენობა მონაწილეობდა და უმრავლესობამ წარმატებით გადალახა ბარიერი. გამოცდების მაღალი შედეგები პრეზიდენტის მიერ ინიცირებულმა პროექტმა „ას-

წავლე და ისწავლე საქართველოსთან ერთად“ და მასწავლებელთა პროფესიული განვითარების ეროვნული ცენტრის მიერ ორგანიზებულმა ეფექტურმა ტრენინგებმა განაპირობა. პედაგოგისთვის, ასევე, დიდი მოტივაციაა გაზრდილი ხელფასი.

გამოკითხვამ აჩვენა, რომ სხვადასხვა საგნის პედაგოგებისთვის ინგლისურენოვან უცხოელ მოხალისე პედაგოგებთან ურთიერთობა საკმაოდ ნაყოფიერია, განსაკუთრებით მნიშვნელოვანია ეს ურთიერთობა რეგიონის პედაგოგებისთვის.

ინგლისურისა და კომპიუტერის ინტეგრირებული გამოცდისას საგამოცდო ტესტით ერთდროულად მონაწილეობდა როგორც ინგლისურის, ისე კომპიუტერის ცოდნა. მასწავლებელი გამოცდას კომპიუტერის საშუალებით ატარებს. დავალებების შესრულებისას პედაგოგს შეუძლია გამოიყენოს ინტერნეტში არსებული რესურსები: ლექსიკონები, საძიებო სისტემები და ა.შ.

გამოცდის მიზანია, შემომხდეს, შეუძლია თუ არა პედა-



გოგს პროფესიული განვითარებისა თუ სწავლების პროცესისთვის საჭირო ინფორმაციის მოძიება, რომელიც მხოლოდ ინგლისურ ენაზეა ხელმისაწვდომი. ამისათვის პედაგოგს ინტერნეტის გამოყენება და კომპიუტერული საოფისე პროგრამების ფლობა მოეთხოვება.









იურისტის კონსულტაცია

რა ფუნქციები აქვს მასწავლებლის მამიებას?

ა) მამიებლობის პერიოდის დასაწყისში მამიებელი ეცნობა მენტორს, სკოლის ხელმძღვანელს, დირექციასა და მასწავლებლებს;

რა ფუნქციები აქვს მენტორ მასწავლებელს?

ა) მენტორ მასწავლებელი ხელმძღვანელობს და წარმართავს მამიებლობის პროცესს;

რა მუსიკის მამიებას აქვს მენტორ მასწავლებლის მიერ პროფესიონალის ანბარის სანდო ანბარის ცენტრის მამიებას?

„პროფესიული კავშირების შესახებ“ საქართველოს კანონის თანახმად, დამსაქმებელი, სანარმოს, დანესებულების, ორგანიზაციის ადმინისტრაცია, პროფკავშირის წევრ მუშაკთა პირადი წერილობითი განცხადების საფუძველზე, ამ მუშაკთა ხელფასიდან, ყოველთვიურად გადარიცხავს პროფკავშირულ სანდო ანბარს მენტორის პროფესიული კავშირის ანგარიშზე კოლექტიური ხელშეკრულებით განსაზღვრული პირობების შესაბამისად.

რა განსაკუთრებული კომპლექსური ხელშეკრულებაა და დარბობრივ შეთანხმებას შორის?

კოლექტიური ხელშეკრულება იდება დამსაქმებელს, სანარმოს, ორგანიზაციას, დანესებულებასა და პროფესიული კავშირის ორგანიზაციას შორის, რომელიც არეგულირებს მხარეთა შრომით, სოციალურ და პროფესიულ ურთიერთობებს.

დარგობრივი შეთანხმება კი, ფორმდება აღმასრულებელი ხელისუფლების, პროფესიული კავშირებისა და დამსაქმებელთა (მენარმეთა) შესაბამის ორგანოებს შორის, რომელიც არეგულირებს მხარეთა შრომით და სოციალურ-ეკონომიკურ ურთიერთობებს.

რა პასუხისმგებლობა შეიძლება დადგეს საჯარო სკოლის იმ დირექტორს, რომელიც არ ასრულებს პროფკავშირთან გაფორმებული კოლექტიური ხელშეკრულების პირობებს?

„პროფესიული კავშირების შესახებ“ საქართველოს კანონის დარღვევისათვის საჯარო სკოლის დირექტორი პასუხს აგებს კანონმდებლობით დადგენილი წესით.

პროფესიულ კავშირს, პროფესიული კავშირების გაერთიანებას (ასოციაციას), პროფკავშირის კომიტეტს, პროფკავშირის წევრს უფლება აქვთ, კანონმდებლობის შესაბამისად, დასვან საკითხი ან შეიტანონ სარჩელი (საჩივარი) სასამართლოში იმ თანამდებობის პირთა პასუხისმგებლობის შესახებ, რომლებიც არღვევენ კანონს „პროფესიული კავშირების“ შესახებ, სხვა სამართლებრივ და ნორმატიულ აქტებს, არ ასრულებენ გენერალური, დარგობრივი (სატარიფო) შეთანხმებებით, კოლექტიური ხელშეკრულებებით გათვალისწინებულ ვალდებულებებს.

თამარ ავალიანი

საქართველოს პედაგოგთა და მეცნიერთა თავისუფალი პროფკავშირის იურისტი

თამაროვის დღესასწაული



არც ძმები – შალვა და ივანე ახალციხელების (თორენის) ხსენება დავიწყებათ. ისინი ხომ თამარ მეფის სახელოვანი სარდლები იყვნენ და თავიანთი ვაჟკაცობით ასახელეს ჩვენი პატარა მესხეთი. მათ ასევე აღნიშნეს, რომ მესხეთის მიწაზე დაიწყო სულმნათი შოთას აკვანი, პატარებს არც ლოდში ამღერებულნი თამარ მეფის სახე დავიწყებათ. ეს ხომ პირველია საქართველოში!

ცნობილია, რომ თამარი მთელ თავის სიმდიდრეს ტაძრების, ციხეების, გზების, ხიდების, არხების და ქალაქების მშენებლობას ახმარდა. ძლიერდებოდა მხედრობა. ღონიერ საქართველოს მტრები ვერაფერს უბედავდნენ.

ახალციხის ი. ჭავჭავაძის სახელობის №5 საჯარო სკოლის IV კლასში ჩატარდა ღონისძიება, რომელიც მიძღვნილი იყო მეფეთა მეფის, მზეთა მზის, დედოფალთა დედოფლის თამარისადმი.

ღონისძიებას ესწრებოდნენ: სკოლის დირექტორი, ქალბატონი თინათინა მერაბიშვილი, კათედრის ხელმძღვანელი რიტა კირიკიტაძე, სკოლის პედაგოგები, მოსწავლეთა მშობლები და სხვ. სკოლებს შორის მეგობრობის მიზნით მოწვეული იყვნენ ახალციხის თითქმის ყველა საჯარო სკოლის პედაგოგები, ასევე სომხური სკოლის პედაგოგებიც. საგანგებოდ მორთულ დარბაზს მუსიკის ჰანგები ეფინებოდა. მოსწავლეები საზეიმოდ იყვნენ ჩაცმულნი. პატარებმა გააცოცხლეს თამარის ეპოქა – „ოქროს ხანა“.

„ისურვებდა და სასურველ იყო, ინადებდა და სანადელ იყო, იქებოდა და საქებელ იყო, ნატრიდეს და სანატრელ იყო, და არა რა იყო სხვა კეთილ, რაცა იგი არა იყო მას შორის“ – ასე წერს თამარზე მისი მემატიანე.

თავს არ ზოგავდნენ პატარები, თამარ მეფისადმი მიძღვნილ ყველა ლექსსა და სიტყვას გულის სიღრმე-დან წარმოთქვამდნენ. პატარები სიამაყის გრძნობით იყვნენ სავსე – ისინი ხომ იმ მიწაზე ცხოვრობენ რომელსაც, „მესხეთი“ ჰქვია და სადაც მდებარეობს ქართული მხატვრული კულტურის ძეგლი, ძეგლი დიდებისა „ვარძია“, რომელიც თამარის მეფობის ხანაში აკურთხეს.

ბას ახმარდა. ძლიერდებოდა მხედრობა. ღონიერ საქართველოს მტრები ვერაფერს უბედავდნენ.

შეიძლება ითქვას, რომ იგივე ხდება დღეს. შენდება და ლამაზდება მთელი საქართველო და იმედია, დაგვიდგება თამარისდროინდელი „ოქროს ხანა“, რაზეც ოცნებობენ ჩვენი პატარები. ისინი ხომ საქართველოს და მის ხალხს ღმერთს ავედრებენ.

„დალოცე, ღმერთო, ადამის-ძე, დალოცე ხალხი!“ – ღონისძიების დამთავრების შემდეგ მათ არ დავიწყებიათ, რომ მეოთხე კლასს ამთავრებდნენ და პედაგოგს გამოსამშვიდობებელი სიტყვა უთხრეს და დაპირდნენ, რომ ასახელებენ სწავლით, ქცევით, მამულისეობით...

მოსწავლეებმა დიდი მადლობა გადაუხადეს სკოლის დირექტორს მათზე ზრუნვისათვის. ქალბატონმა თინათინამ პატარებს ოთხი კლასის დამთავრება მოულოცა. ბავშვებს წარმატებები უსურვეს: სასწავლო წინაშე ნანა დათაშვილმა, მაყვალა კაჭკაჭიშვილმა, მშობლებმა და დამსწრე საზოგადოებამ.

ასე სასიამოვნოდ დასრულდა ი. ჭავჭავაძის სახელობის №5 საჯარო სკოლაში კიდევ ერთი დღე, 14 მაისი – „თამარობის დღესასწაული“.

მეფა მერაბიშვილი

დანყებთი კლასების პედაგოგი

ჩვენ ვსწავლობთ ინგლისურს

11 მაისს, ახალციხის №3 საჯარო სკოლაში, საზეიმო განწყობა იგრძნობოდა. სააქტო დარბაზი ყვავილებითა და ბუმბუტებით იყო მორთული. III კლასის მოსწავლეები (დამრიგებელი – სუსანა არუთუნიანი) ინგლისური ენის ღონისძიებას წარმოგვიდგინდნენ.

ბავშვებმა შესანიშნავად წარმოაჩინეს საკუთარი შესაძლებლობები, ერთმანეთს ინგლისური ენის ცოდნაში სუფთა ინგლისური აქცენტით ეჯიბრებოდნენ. ლექსებს სიმღერები ცვლიდა, სიმღერებს საინტერესო ფრაზები. ეს ხომ მათი ინგლისური ენის პედაგოგების – ლუსინე მანასიანის და ელიზაბეთ სარქი-სიანის დამსახურებაა.

ღონისძიებას სკოლის პედაგოგებიც და სხვა უამრავ სტუმართან ერთად ესწრებოდა ამავე სკო-

ლის ინგლისური ენის ამერიკელი პედაგოგი ჩეის ჯონსონი. იგი აღფრთოვანებული შეწყურებდა მოსწავლეებს და აღნიშნა, რომ ღონისძიებაზე მიღებული შთაბეჭდილება მას მთელი სიცოცხლის მანძილზე გაჰყვება და ეს დღე მისთვის დაუვიწყარი იქნება.

სკოლის დირექტორმა სვეტლანა არუთუნიანმა, მიულოცა მოსწავლეებს და მადლობა გადაუხადა მასწავლებლებს ლამაზი საღამოსთვის. ეს ღონისძიება კიდევ ერთი დასტური იყო იმისა, რომ არაქართულ სკოლაში, მშობლიური და სახელმწიფო ენის სწავლებასთან ერთად, მოსწავლეები ინგლისურ ენასაც სიამოვნებით და ხალისით ეუფლებიან.

ირმა გვიშიათი

ქართული ენის პედაგოგი





# კელაბობი - აქტიური მოქალაქეობრივი პოზიცია

მსოფლიოს ბევრ სხვა სახელმწიფოთა მსგავსად, ბოლო წლებში ჩვენთანაც იკვეთება იმის აუცილებლობა, რომ დემოკრატიული პროცესების განვითარებაში, ახალგაზრდების სრულფასოვან მოქალაქეებად აღზრდისა და საზოგადოებრივ ცხოვრებაში მათი აქტიური ჩართვისათვის ჯერ კიდევ ბევრი რამ არის გასაკეთებელი და პრობლემის დაძლევა შესაძლებელია სამოქალაქო განათლებით.

ორიოდე თვის წინ, აშშ საერთაშორისო განვითარების სააგენტოს (USAID) კავკასიის მისიის დირექტორმა **სტივენ ჰეიკენმა** თბილისში პედაგოგებთან გამართულ ერთ-ერთ კონფერენციაზე ხაზგასმით აღნიშნა: „სამოქალაქო განათლების როლი დემოკრატიული სახელმწიფოს შენების პროცესში მით უფრო მნიშვნელოვანია მაშინ, როცა ქვეყანა პოლიტიკური მოვლენის - არჩევნების მოლოდინშია. წინასწარჩვენო პერიოდში და შემდგომაც, სახელმწიფოებრივ ცხოვრებაში საზოგადოების აქტივობასა და მოქა-

ნებით და პირველ რიგში, აქტიური პოზიციის მოქალაქეებით, ჯერჯერობით, კიდევ ჩანს. ნიჟილიზმი, დაუდევრობა, სხვისი ხელის შემყურეობა, სხვისი ტკივილის გაუზიარებლობა, „ჩემსა“ და „ჩვენს“ შორის უფსკრულის არსებობა თვალსაჩინოა არა მარტო როგორც ერის გენეტიკური მახასიათებელი, არამედ როგორც ჩვენი დროისა და დროის მოთხოვნათა სწორად ვერაღქმის ნიშანი.

კონსტიტუციით ნაბოძები და „ადამიანის უფლებათა საყოველთაო დეკლარაციით“ გაცხადებული სამოქალაქო, პოლიტიკურ-სოციალური, ეკონომიკური და კულტურული უფლებები თითოეულ ადამიანსა და მთლიანად საზოგადოებას მოვალეობის გაცდასაც უნდა უჩენდეს, მაგრამ...

ჩვენი ცხოვრების ყოველდღიურობიდან მოვალეობისა და პასუხისმგებლობის უგულვებელყოფის უამრავი ეპიზოდიდან და მაგალითიდან ერთს გამოვიტან მკითხველთა სამსჯავროზე.

*ნავატანე ხელი, მერე მომეშველენ ჩემი ქართველი მასპინძლები და იგრძნეს უხერხულობა...*

დასკვნა: მომავალი თაობები მოვალეობისა და პასუხისმგებლობის გრძობით უნდა აღვზარდოთ.

*„კაცმან უნდა თავის საქმე, ყველა ღვთისა მოივარდოს, სახელის ხე საჩრდილობად, წყლისა პირსა სამე დარგოს“*

მეფე ვახტანგ მეექვსის მდიდარი ლიტერატურული მემკვიდრეობიდან აღებული ეს პოეტურ-ფილოსოფიური სტრიქონები ჰქონდა დევიზად რუსთავის მე-2 საჯარო სკოლაში, პედაგოგ **ბელა ჯანგიძე-გოცირიძის** მიერ IX-X კლასებში ჩატარებულ ღონისძიებას სამოქალაქო განათლებაში. ღონისძიებაზე საგანგებოდ იყვნენ მონაწილე სტუმრები: მეფე ვახტანგ გორგასალის სახელობის ტაძრის დეკანოზი **მამა მიქაელი**, უნარშეზღუდული აღსაზრდელების ცენტრის დირექტორი **ნანა ზერეციძე**, მოხუცთა თავმჯდომარის დირექტორი **მალხაზ კვინიკაძე**, სტუდია „გუთნის“ თანამშრომელი **ლევან მაძღარაშვილი**, ფილმების - „საქართველოს ხერხემალი“ - ციკლის ერთ-ერთი ავტორი **ზვიად სეხნიაშვილი**, „სიქას“ (საგანმანათლებლო ინიციატივების ქართული აქტივობა) კოორდინატორი **ანი ციციშვილი**.

ღონისძიებას, ასევე, სტუმრობდნენ შვილობილი კერძო სკოლის - „მზეკაბანის“ IX-X-კლასელები სამოქალაქო განათლების პედაგოგებთან ერთად.

მე-2 საჯარო სკოლა საქართველოში მოქმედ იმ 740 სკოლათა შორისაა, რომლებიც აშშ საერთაშორისო განვითარების სააგენტოს ფინანსური მხარდაჭერით მოქმედ პროგრამაში მონაწილეობენ. ამ პროგრამას, რომლის მიზანია დემოკრატიული მოქალაქეობის სწავლისა და განვითარებისათვის ქმედითი გარემოს უზრუნველყოფა, სამოქალაქო განათლების პედაგოგთა შესაძლებლობების განვითარება და მათი საქმიანობის ხელშეწყობა, მხარს უჭერს საქართველოს მეცნიერებისა და განათლების სამინისტრო.

საწყისი პერიოდიდანვე პროგრამის აქტიური მონაწილე გახდა სამოქალაქო საგნის პედაგოგი ბელა ჯანგიძე, რომელმაც სკოლაში



ჩამოაყალიბა სამოქალაქო განათლების კლუბი, სახელწოდებით - „სუპერვიზია“ (62 აქტიური მოსწავლეთა აზროვნებაში და ცოდნაში ევჯობრებოდნენ.

ნარმოდგენილ თვალსაჩინოებათა შორის სტუმრების ყურადღება მიიქცია სახელის ხემ, რომლის თითოეულ ფოტოს ერისთვის სასიქადულო პროგრამის სახელი ეწერა. მათ შესახებ ამომწურავად საუბრობდნენ მოსწავლეები.

ღონისძიებას ორი მხარე ჰქონდა - სანახაობითი და აკადემიური, რამაც აშკარად აჩვენა ის, ქალაქის ამ ერთ დიდ და ისტორიულ, ძველ საჯარო სკოლაში მაღალი პასუხისმგებლობით, თანამედროვე მოთხოვნათა დონეზე შეისწავლება საგანი - სამოქალაქო განათლება.

მონაწილმა სტუმრებმა პედაგოგის გამარჯვებულ სწორედ ის ჩათვალეს, რომ სადღესო ეროვნული პრობლემების, საზოგადოების ტკივილების წინ წამოწევიტ მან აშკარად წარმოაჩინა მოქალაქეობრივი პოზიცია, პიროვნული განწყობა და პედაგოგიური შესაძლებლობები.

აღსანიშნავია, რომ ქალბატონმა ბელა ჯანგიძემ მე-2 საჯარო სკოლის ბიოგრაფია უდიდესი სიყვარული გააცოცხლა წიგნში „ქვემნ გულისა“, რომელიც ღონისძიების მონაწილეებს საჩუქრად გადასცა.

ლია მარტაშვილი



*ლაქეთა ჩართულობას გადამწყვეტი მნიშვნელობა აქვს“.*

საქართველოში წინასწარჩვენო პერიოდაა, ამ უმნიშვნელოვანესი პროცესისათვის დამახასიათებელი განწყობით, შეხვედრებით, გადანყვეტილებებითა და წინააღმდეგობებით.

დემოკრატიის მშენებარე საქართველოში სამოქალაქო საზოგადოება თავისი დამახასიათებელი ნიშ-

გერმანიიდან ჩამობრძანებული ქალბატონი მიაბობდა: „ჩემს თბილისელ მასპინძლებთან ერთად ერთ-ერთ ქუჩაზე ყოველ დღე გვიხდებოდა მანქანით გავლა. გზაზე, უშველებელი ბლოკები ეყარა, რაც მანქანებს საავარიო საფრთხეს უქმნიდა. არც ერთ მძღოლს არ გასჩენია სურვილი, ბლოკები გადაეწყო. ეს საქმე მე ვითავუ. ავნიე ერთი და ძლივს გადავიტანე, მეორესაც რომ

## პაუას უკვდავება

18 მაისი თბილისის დამოუკიდებელ სასწავლო უნივერსიტეტში დიდი ზეიმით აღინიშნა. დღის 2 საათზე უნივერსიტეტის დარბაზი მსმენელებით აივსო.

საოცრად ამაღლებული განწყობა სუფევდა დარბაზში ზეიმის დანყებისას.

სტუდენტთა დარბაზის ინიციატივითა და ჩვენი უნივერსიტეტის თანამშრომლის, ქალბატონ **ლიანა ხმალაძის** ძალისხმევითა და მონდომებით გაიმართა ვაჟა-ფშაველას შემოქმედებისადმი მიძღვნილი ლიტერატურული საღამო.

საღამო შესავალი სიტყვით გახსნა პროფესორმა **ნუგზარ წერეთელმა**.

ამ საღამოზე უნივერსიტეტის სტუდენტებთან და ლექტორებთან ერთად აქტიური მონაწილეობა მიიღეს და ვაჟას შემოქმედებაზე საინტერესო მოხსენებით გამოვიდნენ ივანე ჯავახიშვილის სახელობის თბილისის სახელმწიფო უნივერსიტეტის პროფესორები: **იუზა ევგენიძე, ლადო მინაშვილი, თეიმურაზ ქურდოვანიძე**.

მომხსენებლის შემდეგ ლიტერატურულ საღამოზე სიტყვით გამოვიდნენ უნივერსიტეტის ლექტორები: **ლ. ხმალაძე, ი. ჭავჭავაძე, თ. გელაშვილი, ც. ბუკია**.

უნივერსიტეტის სტუდენტებმა წაიკითხეს უკვდავი ვაჟას ლექსები და პოემები, რითაც უდიდესი შთაბეჭდილება მოახდინეს დარბაზში მყოფ პროფესორ-მასწავლებლებზე, სტუმრებსა და სტუდენტებზე.

დასასრულ, უნივერსიტეტის რექტორმა, პროფესორმა **ამირან მექვაბიშვილმა** მადლობა გადაუხადა საღამოს ორგანიზატორებს, მონაწილე სტუდენტებს ამ საინტერესო ღონისძიების მონაწილეთათვის.

**წმნა მასაძე**

უნივერსიტეტის სამკითხველო დარბაზის ხელმძღვანელი



სპორტი

უნივერსიადა-2012

15 მაისს დაიწყო და 12 ივნისამდე გასტანს საქართველოს სტუდენტური „უნივერსიადა-1012“, რომლის ორგანიზატორიც, ძველებურად, საქართველოს საუნივერსიტეტო სპორტის ფედერაციაა.

უნივერსიადის პროგრამაში სპორტის 22 სახეობაა: ძიუდო, „თავისუფალი“, ბერძნულ-რომაული და ქართული ჭიდაობები, სამბო, ბადმინტონი, ხელბურთი, ცურვა, ტაეკვანდო, კარატე, ჭადრაკი, მძლეოსნობა, მკლავჭიდი, ჩოგბურთი, მაგიდის ჩოგბურთი, შვიდკაც რაგბი, ფრენბურთი, ძალისმიერი სამჭიდი, ქუჩის კალათბურთი, მშვილდოსნობა, სროლა და კრივი.



უფრო მეტს ვნახავდით, მაგრამ ნამყვან ფალავანთა უმეტესობა ახლა სწორედ საოლიმპიადო სამზადისითაა დაკავებული. ბერძნულ-რომაულ ჭიდაობაში გაიმარჯვეს: ბათუმელმა სტუდენტებმა - სპარტაკ ცეცხლაძემ (60) და ირაკლი შანთაძემ (66), სტუ-ს წარმომადგენლებმა - გიორგი დათუნაშვილმა (74) და რუდოლფ ოგანეზოვმა (84), აგრარულის სტუდენტმა გიორგი კვიციანიძემ (120). საინტერესოა, რომ კვიციანიძე რეალურად „თავისუფალის“ მოჭიდავეა და უნივერსიადაზე იქაც გამოვიდა, თუმცა მესამეზე გავიდა. „თავისუფალი“ ოქროს მედლები მოიპოვეს: გიორგი ლამბაშიძემ (55, სოხუმი), კოტე ხუციშვილმა (60, გორი), დიმიტრი ბასილაშვილმა (66, სტუ), ზვიად მეკვიძემ (74, ბათუმი), ლევან ანზორის ძე გოგრიჭიანი (84, სეუ), გიორგი მეშვილდიშვილმა (96, სტუ) და ლევან თენგიზის ძე გოგრიჭიანი (120, სეუ). გუნდურში აგრარულმა უნივერსიტეტმა გაიმარჯვა, რომელსაც ბათუმი და სტუ მიჰყვნენ.

ქართულ ჭიდაობაში ძირითადად სამბისტები, ძიუდოსტები და „თავისუფლად“ მოჭიდავეები გამოვიდნენ. როგორც ზემოთ ვთხარით, აქ მერუბაშვილმაც იჭიდავა, რომელიც ლამის უკონკურენტო იყო - სადაც იასპარეზა, ყველგან გაიმარჯვა. დანარჩენ ნონებში გაიმარჯვეს: თორნიკე კაპანაძემ (55, სამედიცინო), ვანო თოთლაძემ (70, სტუ), თორნიკე ჯუღელი (75, სტუ), გიორგი ბიჩელაშვილმა (80, ილიაუნი), გიორგი კობაიძემ (90, ილიაუნი) და გიორგი ზაქარაიძემ (+90, სტუ).



ცია ღირსეულად დაიცვეს - არც ჩემპიონობა დაუთმეს მასპინძლებს და ექვსიდან ოთხი მედალიც მათ მოიპოვეს. გოგონებში სამედიცინოს სტუდენტმა საჩინო გიჯია აკულაილაკემ გაიმარჯვა, რომელმაც ფინალში სტუ-ელ ანა მუჭერას მოუგო, მესამეზე კი საჩინოს მიერ ნახევარფინალში ძღუული კიდევ ერთი მომავალი ინდოელი ექიმი გვინა აჯაია ბჰატი გავიდა. ვაჟების ფინალში ერთმანეთს ასევე სამედიცინოს სტუდენტი ინდოელები შეხვდნენ - თარინდუ ნაინგით გუნასირიმ დაამარცხა ტრიბედერ სინგჰი. აქ ჩვენებს მხოლოდ ბრინჯაო ერგოთ - მესამეზე ნიკა გოგრიჭიანი (საქართველოს უნივერსიტეტი) გავიდა. ხელბურთში სტუ-მ გაიმარჯვა, რომელიც ბოლო 20 წლის განმავლობაში ქართული ხელბურთის ცენტრია. ფინალში ტექნიკოსებმა თსუ-ს 36:26 მოუგეს, მესამეზე გავიდა სამედიცინო უნივერსიტეტის გუნდი, სადაც სპორტის ეს სახეობა ნელ-ნელა იკიდებს ფეხს. ბრინჯაოსთვის შეხვედრაში მათ საქართველოს უნივერსიტეტს 38:35 სძლიეს.

22 მაისის მონაცემებით, უნივერსიადის საერთო გუნდურ ჩათვლაში სტუ ლიდერობს - მის ანგარიშზე 9 ოქრო და 5-5 ვერცხლ-ბრინჯაო, სულ 19 მედალი; მეორეზე სამედიცინო უნივერსიტეტი 11 მედალი - 4 ოქრო, 1 ვერცხლი და 6 ბრინჯაო; მესამეზე გორის უნივერსიტეტი 7 მედალი, რომელთაგანაც 3 ოქროა და 4 - ვერცხლი.

მძლეოსანთა სტარტები

სხვებთან ერთად მძლეოსნებიც ემზადებიან თბილისში 2015 წელს გასამართი ევროპის ახალგაზრდული ოლიმპიური ფესტივალისთვის - 1997-98 წლებში დაბადებულთა შორის რამდენიმე ტურნირი ჩატარდა, რომელთა მიხედვითაც ამ ასაკის ნაკრები შეირჩა.



იხინი ფესტივალისთვის გააგრძელებენ მზადებას. ერთ-ერთი ასეთი ღონისძიება ამ დღეებშიც გაიმართა თბილისში, რომელიც მძლეოსნობის საერთაშორისო დღეს მიეძღვნა. შეჯიბრებამ ახალი თაობის წინსვლა კიდევ ერთხელ დაადასტურა და რამდენიმე ნიჭიერი ათლეტიც წარმოაჩინა. უპირველესად, დედაქალაქის 74-ე საჯარო სკოლის მერვეკლასელი ბადროს მტყორცნელი თემურ აბულაშვილი, რომელმაც სფერო 54.1-ზე გადააგდო. აღსანიშნავია, რომ მან ერთი კვირის წინ, თბილისის ღია პირველობაზეც იასპარეზა და იქ 53.78 აჩვენა, დროის მოკლე მონაკვეთში კი შედეგი ასე გააუმჯობესა, რაც 14-წლიანთა შორის მსოფლიოში საუკეთესო მაჩვენებელია. არადა, სულ ორი წელიწადია, რაც ამ სახეობაში ვარჯიშობს გივი ბედოშვილთან. მწვრთნელი სწუხს, სტაბილური სავარჯიშო ადგილი არ გვაქვს, თორემ უკეთესი მაჩვენებელი გვექნებოდა.

ბოლო ერთ კვირაში სიმალეზე ხტომაში 7 სანტიმეტრით გააუმჯობესა შედეგი თბილისელმა ქრისტინე ზოლოტუხინამ - ამჯერად 152-ზე გადებულ თამასას გადაეცლო. მოგვიანებით ბირთვის კვრამაც გამოვიდა და 8.89-ით მეორე იყო - მხოლოდ 8.91-იან ქუთაისელ მარიამ ალექსეევას ჩამორჩა. ორი ოქრო მოიპოვეს ვანელმა მარიამ ძაგნიძემ (50 მ/თ; 8.1 სიგრძეზე ხტომაში, 5.19 მან ვანის ნაკრების შემადგენლობაში ბრინჯაო მოიპოვა 4x50-ზე ამანატრბენში) და ქუთაისელმა ნანი სირაძემ - 100 მ-იანი დისტანცია 12.7-ში გაიბრინა, სამხტომში კი 9.60-ით გაიმარჯვა. გამარჯვებულის კვარცხლბეკზე სამჯერ ავიდა ქუთაისელი გოგა მძლეაქელიძე - 100 მ/თ 15.3-ში დაფარა, სიმალეზე ხტომაში 155 სანტიმეტრი დასძლია, ბოლოს კი, 4x50-ზე თარგზებში ქუთაისელთა გამარჯვებაშიც დიდი წვლილი შეიტანა.

გოგონებში, სხვა დისტანციებიდან, 1000 მეტრზე სირბილში ახალციხელმა დიანა ვინისიანმა გაიმარჯვა, ბადრო ყველაზე შორს - 35.36-ზე თბილისელმა ნინო წიქვაძემ გადააგდო, შუბი ყველაზე შორს ია რევიასვილმა მოისროლა, ურო - სოფო მათიასვილმა (ორივე - თბილისი). ვაჟებში 100-მეტრიანი დისტანცია ყველაზე სწრაფად ხობელმა გრიგოლ ახალაიამ გაიბრინა - 12.0, 1000-იანი - ახალციხელმა რუდიკ მინასიანმა 2.54.6-ით, სამხტომში - ქუთაისელმა საბა კურდელიამ გაიმარჯვა 11.62-ით; ბირთვის კვრამში გორელმა გიორგი მუჯარიძემ იმარჯვა, შუბი კი ყველაზე შორს ხონელმა გიორგი კეთილაძემ გადააგდო; ურო სხვებზე უფრო შორს თბილისელმა გიორგი ტყემალაძემ მოისროლა, ჭოკით ხტომაში კი ასევე თბილისელმა ლაშა ქარქუსაშვილმა იმარჯვა.

რუბრიკას უძღვება ირაკლი თაყაიძე

# სიასლა!



## კლასიკური პოეზია



სამი ტომის ფასი 21 ლარი

### თემატური პლაკატები დაწყებითი კლასებისთვის

ფორმატი A2 (42x59.4 სმ)

1. ძართული ანბანი
2. წელიწადის დროები: შემოდგომა-ზამთარი
3. წელიწადის დროები: გაზაფხული-ზაფხული
4. ფერები
5. ფორმები
6. გარეული ცხოველები
7. გარეული ფრინველები
8. პროფესიები
9. რიცხვები
10. სილ-პოსტნული
11. შინაური ცხოველები
12. ტანსაცმელი
13. ჰიგიენის ნივთები
14. საოჯახო ნივთები
15. ტრანსპორტი
16. წყლის ბინადრები
17. ინგლისური ანბანი
18. რუსული ანბანი
19. ჩემი საძარტველი

ერთი ცალის ფასი 2.5 ლარი

### თემატური პლაკატები მაღალი კლასებისთვის

ფორმატი A1 (59.4x84.1 სმ)

1. რელიგიების წარმოშობა
2. გარეული ფრინველები საძარტველოში
3. გარეული ცხოველები საძარტველოში
4. მწერები
5. ძართული ხალხური საკრავები
6. ძველწარმოებები საძარტველოში
7. საძარტველო მცენარეები
8. ადამიანის აგებულება
9. რეპტილიები და დინოზავრები
10. ნიღაბი - სიცოცხლის წყარო
11. ქველი რომი
12. მსოფლიოს დროები
13. ზღვის დინება
14. ძირითადი ელემენტების პერიოდული სისტემა
15. საფხაროს წარმოშობა
16. ძარტველი მემორის შეიარაღება და საბრძოლო ტექნიკა
17. მსოფლიოს შვიდი საოცრება

ერთი ცალის ფასი 3 ლარი

### ქართული ლიტერატურის კაბინეტისთვის მწერალთა პორტრეტები (34x47 სმ)

- |                          |                          |                        |
|--------------------------|--------------------------|------------------------|
| 1. მიხეილ ჯავახიშვილი    | 10. იოსებ ბრიჯაშვილი     | 19. აკაკი წერეთელი     |
| 2. ბიორგი ლეონიძე        | 11. პოლიქარპე კაკაბაძე   | 20. რუსთაველი          |
| 3. ირაკლი აბაშიძე        | 12. გურამ რჩეულიშვილი    | 21. ვაჟა-ფშაველა       |
| 4. ნოდარ დუმბაძე         | 13. იაკოვ ხუცესი         | 22. თეიმურაზ I         |
| 5. მირზა ბელოუზანი       | 14. ივანე სებასტიანი     | 23. ვახტანგ VI         |
| 6. აკაკი ბაქრაძე         | 15. დავით გურამიშვილი    | 24. ბიორგი მერაბული    |
| 7. ვასილ ბარნოვი         | 16. ზესიკი               | 25. ბრიგოლ ორბელიანი   |
| 8. პაულუ იაშვილი         | 17. რევაზ ინანიშვილი     | 26. დავით აღმაშენებელი |
| 9. სულხან-საბა ორბელიანი | 18. ალექსანდრე ჭავჭავაძე | 27. გურამ ასათიანი     |

ერთი ცალის ფასი 4 ლარი

### რეკროდუქციები ხელოვნების კაბინეტისთვის

- |  |  |
|--|--|
| 1. ცისფერი ბალერინები - დეა                    | 7. დელფოსელი სივილა - მიქელანჯელო                          |
| 2. ჰორაციუსის ფიცი - შაკ-ლუი დავიდი            | 8. მხატვრის ბაღი - კლოდ მონე                               |
| 3. მწყობრთა თაყვანისცემა - დომენიკო გირლანდაიო | 9. უძლები შვილის დაბრუნება - რემბრანდტი                    |
| 4. ადელ პლუხ-ბაუერის პორტრეტი - გუსტავ კლიმტი  | 10. სამანელა - რენუარი                                     |
| 5. ავტოპორტრეტი - რემბრანდტ ჰარმენს ვან რაინი  | 11. საკვირბო გასაძირება, გრან-შატის კუნძულები - შორჟ სიორა |
| 6. მენინები - ველასკესი                        |  |

ერთი ცალის ფასი 6.5 ლარი

## ქართველი მწერლები

- ❖ ვაჟა-ფშაველა (10-ტომიანი), I-IV ტომი, - 11 ლარი
- ❖ ალექსანდრე ყაზვბეგი (2-ტომიანი), I-II ტომი, - 11 ლარი
- ❖ მინაილ ჯავახიშვილი (7-ტომიანი), I-VII ტომი - 11 ლარი
- ❖ ლევან გომთუა (7-ტომიანი), I-II ტომი - 16 ლარი
- ❖ ელიზბარ ყიფიანი (2-ტომიანი), I-II ტომი - 15 ლარი
- ❖ კონსტანტინე გამსახურდია (10-ტომიანი), I, II, III, VI, VII, VIII ტომი - 16 ლარი, IV-V ტომი - 18 ლარი
- ❖ რევაზ ინანიშვილი (6-ტომიანი), I-VI ტომი - 12 ლარი
- ❖ ვახტანგ ჭავჭავაძე (9-ტომიანი), I-IV ტომი - 12 ლარი
- ❖ გრიგოლ აბაშიანი (6-ტომიანი), I-II ტომი - 12 ლარი
- ❖ ოტიან იოსელიანი (10-ტომიანი), I-IX ტომი - 12 ლარი
- ❖ თამაზ ჭილაძე (6-ტომიანი), I-VI ტომი - 10 ლარი
- ❖ გოდერძი ჩოხელი (5-ტომიანი), I-IV ტომი - 13 ლარი


მითითებულია თითო ტომის ფასი

## გამოცემა „ეოგენა“ და გაზეთ „ახალი განათლება“ სპეციალური პრეზენტი

ხელმომწერთა საყურადღებოდ!

თუ თქვენ წიგნის მოყვარული ბრძანდებით, შეგიძლიათ ისარგებლოთ ჩვენი შემოთავაზებით.


### გამორჩეულ ნივთებს და მიიღეთ სპეციალური ფასად



საყმანვილო ენციკლოპედია „მუსიკა“

~~29.90~~


17 ლარი



საყმანვილო ენციკლოპედია „სპორტი“

~~29.90~~

10 ლარი



კომენტარული ტექსტი და ანალიტიკური გზამკვლევი ლიტერატურის შემსწავლელთა და მოყვარულთათვის ავტორი თამაზ ვასაძე

11 ლარი



მოსწავლეებისა და პედაგოგების სამაგიდო წიგნი თამარ ბეროზაშვილი „პარტული ენის სასკოლო განმარტებითი ლექსიკონი“

~~14.90~~

10 ლარი

## „ახალი განათლება“ წიგნის თანად

### მიმდინარეობს ხელმომწერა

გადმორიცხვისას აუცილებლად მიუთითეთ ქალაქი, რაიონი, სოფელი, სკოლა, სახელი და გვარი.

შესაძლებელია ინდივიდუალური ხელმომწერები!

მსურველები დაგვიკავშირდით ტელეფონზე:

032 295 80 23; 0790 95 80 23; 577 13 22 83.

ხელმომწერის თანხა გადმორიცხვით რეკვიზიტებზე:

მიმღები - შპს „ახალი განათლება“, ს/კ 202058735  
ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22

## შედეგად მიიღებთ!



მსოფლიო ისტორიის ენციკლოპედია

~~45~~ 35 ლარი


საყმანვილო ცხოველთა ენციკლოპედია

~~30~~ 26 ლარი


ხელნაწილის ილუსტრირებული ისტორია

~~40~~ 30 ლარი

### „მსოფლიო ლიტერატურის კლასიკოსები“ ერთი ტომი - 12 ლარი



- გუსტავ ფლობერი - მაღამ გოგონა
- ონორე დე ბალზაკი - მამა გორიო
- ვიქტორ ჰიუგო - პარიზის ღვთისმშობლის ტაძარი
- ემილ ზოლა - ქალთა ბედნიერება
- ალექსანდრე დიუმა - კავკასია
- ფიოდორ დოსტოევსკი - მკვდარი სახლის ჩანაწერები
- ჰენრი რაიდერ ჰაგარდი - მონტესუმას ასული
- სტენდალი - წითელი და შავი
- ლევ ტოლსტოი - კავკასიური მოთხრობები
- ჯონათან სვიფტი - გულივერის მოგზაურობა
- ერის მარია რემარკი - სამი მეგობარი
- შოდერლო დე ლაკლო - სახიფათო კავშირები
- ალექსანდრე პუშკინი - მოთხრობები **ახალი**
- შტეფან ცვაიგი - მოუთმელოება გულიან **ახალი**
- მაინ რიდი - კვარტარონი **ახალი**




„რა არის რა“

50-ტომიანი.

ერთი ტომის ფასი


11 ლარი

გაყიდვასა სერვის 27 ტომი



ილია ჭავჭავაძე, ორტომიანი

ორტომიანი ფასი 16 ლარი



საქართველოს ისტორიული ატლასი

ფასი 5,70 ლარი



მთავარი რედაქტორი: მარიკა ჩიქოვანი

მისამართი: 0102 თბილისი, ტაბატაშვილის ქ. №3  
ტელ.: 032 295 80 23, 0790 958023, 577 132283.

www.axaliganatleba.ge

E-mail: axaliganatleba@gmail.com Skype: axali.ganatleba

რედაქციის საბანკო რეკვიზიტები: შპს „ახალი განათლება“ ს/კ 202058735  
ა/ა GE86BG000000123631000GEL, ს.ს. „საპარტვილოს ბანკი“ ბ/კ BAGAGE22,

რედაქციაში შემოსული ხელნაწერები არ რეცენზირდება და ავტორებს არ უბრუნდებათ.

ISSN 2233-386X



9 772233 386008 >